



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobilibvs Viris Henrico, Leonardo, & Marco Mauricen. Civibus Venetis.

urn:nbn:de:hbz:466:1-20006

nam : quin potius in operibus tuis eam munditiam & exemplum ostendas, quod ipsis eadem sint lucerna, réque tanquam ducem ovium liberè procedentem, absque aliqua offensione sequatur. Apostolicum verò tibi non timeas deesse favorem , si ad dissolutionis excessus corrigitos in monachis, ne solito more ulterius evagentur, juxta nostra instructionis monita duxeris procedendum: in quo laudabiliter ordinando, nec parcere sanguini, nec alicujus debes gratiam attendere, vel timorem. Ut autem in hoc liberior possit haberi processus, nec rebellio quorumlibet sive contumacia vires possit ex assuetudine dissolutionis assumere ad sui tuitionem erroris, viros maturos, qui sint & gravitate personarum & morum honestate timendi, prout sanius consilium tibi dictaverit, instituere & aliis praeficere te oportet. Ad eos autem tuae correctionis studium sollicitius debet extendi qui post greges sodalium exterius evagantur, per quorum exempla perversa vita claustralium infamatur, in quibus nondum ex toto religionis scintilla defecit, sed adhuc virerit lumen inter spinas. Quantumcunque verò tibi deferre velimus, nisi forte in correctione profeceris, tuæ motus volens sequi potius voluntatis quam salubrem exhaustire doctrinam, nulla nos poterit occasio retardare quin in te five quoslibet alios, quos eadem involutos culpa neverimus, manum correctionis gravissimam apponamus ; ita quod ea quæ demulcendo proferimus, secundum excessuum quantitatem debitæ sequi videbitur austeritatis affectus. Datum Romæ apud sanctum Petrum, XVII. Kal. Novembri.

*NOBILIBVS VIRIS HENRICO,
Leonardo, & Marco Mauricen.
Civibus Venetiis.*

Epist. 387.
Vt severius
quoddam con-
tra Andream
Iuriconfultum
editum manda-
tum revocent.
Cap. Venuens
ad presentiam.
De iurejura-
do.

Veniens ad præsentiam nostram dilectus filius Andreas Mengun. latior præsentium humili nobis relatione proposuit quod cùm olim fuisse in præsencia dilecti filii nobilis viri Ducis Venet. cum pluribus aliis constitutus pro multarum discussione causarum, accidit ut cum Mauricio Mauricen. alternatim convicia inferendo certaret. Propter quod cùm graves inimicitias incurrisset, & vos & alij parentes vestri propter hoc fuissetis vehementius excitati, quidam

qui partis utriusque amatores extiterant, se in medium ingerentes, turbationem illam ad pacem studuerunt & concordiam revocare, suggestentes & consulentes prædicto A. ut in satisfactionem injuriarum vestro juraret obedire mandato. Cùmque idem non credens se tale quid commisisse, propter quod ei grave aliquid imponi deberet, juramentum illud vobis sub tali confidentia præstissem, ipsi statim sub juramenti debito præcepisti quod à festo beati Michaëlis proximè præterito inantea nunquam curiam dicti Ducis intraret, nisi tunc cùm omnes per edictum ipsius generaliter ad curiam vocarentur, aut nisi per nobilem virum Rog. Comitem & Nicolaum Mauricen, qui absentes esse dicuntur, ipsum contingere relaxari. Verum quia idem Andreas, qui (sicut afferit) dicti Ducis consiliis juramento, & in jure suo multis Ecclesiis, quarum est Advocatus, promisso tenetur adesse, nequaquam taliter juravisset, si mandatum illud sibi contrarium præscivisset, præsertim cùm animæ suæ timeat obviare saluti; per apostolica vobis scripta mandamus atque præcipimus quatenus mandatum ipsum pro vestrarum remedio animarum penitus revocetis. Quod si mandatum ipsum aut nolueritis aut nequieritis revocare, neveritis nos venerabili fratri nostro Patriarchæ Graden. mandasse ut si mandatum illud priori juramento licet repugnat, ipsum auctoritate nostra denuntiet non servandum. Datum apud civitatem Castellanam, IV. Idus Octobris.

Illi scriptum est ut hoc faciat.

*STRIGONIEN. ET COLOCEN.
Archiepiscopis, & suffraganeis suis.*

Malitia filiorum hominum, qui lætantur cùm male fecerint, & exultant in rebus pessimis, adeo apud vos invalidissime proponitur, ut nec sciant vel videant quam periculose sit eos Dominum reliquisse, & ejus apud ipsos non esse timorem: qui ponentes offendicula sua in domo Domini, in qua invocatum est nomen ejus, ita apprehenderunt eam inter angustias, ut libertas ejus in dissipationem jam posita, penitus jaceat conculcata. Cùm enim (sicut audivimus) Ecclesia Dei in regno Vngariae in tanta reverentia olim consueverit Ff ij

Epist. 388.
Vt Ecclesiarum
libertas immu-
nitaque con-
seretur.